

«Норуот
күүһэ —
көмүөл
күүһэ!»

ЭНГСИЭЛИ

2013 сыл
Бэс ыйын
1 күнэ
Субуота
№ 75-76 (10848)

1935 сыл алтынны 5
күнүгэр төрүттэммитэ

○ Нам улуунун хаһыата ○

1996, 2005, 2009 сылларга
«Сыл бастын хаһыата»

Сагарбат буолуохха сатамат

Бам ыйын 24 күнүгэр редакциябытыгар Нам с. Колхознай уулуссага олорор, элбэх итэр оҕолоох М.П. Сивцева диэн ийэ эрийдэ. Кинилэр үс саастаах борооскуларын тыа сағатыгар ыттар тутан сиэбиттэрин бэркэ кэлэйэн, ытамныйан кэпсээтэ. Аймаммыт киһи сағатын халтай истэн эрэ кэбиһиэхпит дуо - тийдибит. Колхознай уулусса түгэһэр дыялэр сағатыктар, ыаллар тып-тап курдук туттан олороллор. Олбуордара, тутуулар уурбут-туптут курдуктар, быһата, бары да хаһаайыстыбалаах, сөбүгэр кыахтаах дьон. Арай, ардахтаах күн буолан уулусса суола бырыы да бадараан. Ыт-кус да дэлэй.

Тийдибит, Матрена Прокопьевна кыһыйыт-абарыт киһи быһытынан барытын тоҕо тэбээтэ. Онно иһиттэххэ манньк. Бам ыйын 4 күнүгэр үстээх борооскулара дыялэтигэр кэлбэтэх. Тута Намынан, Аппаанынан сылдан көрдөөбүттэр да булбатахтар. Ити курдук көрдүү сырыттахтарына ыам ыйын 23 күнүгэр Аппааны радиотыгар, сытар миэстэтин ыйан туран, сөһү өлүгүн туһунан иһитинэрбиттэр. Баран көрбүттэрэ (дыялэриттэн тэйичиттэ суох) кинилэр борооскуларабит. Ыттар кэбиһиттэрэ ырааппыт, чугас ыалларын ыттар кэлэ-бара «үссэнэ» сылдьаллар. Сүтүктээх сүүс айбыл-дьял дириллэрини Сивцевтэр чугас эргин олорор ыаллар ыттары буруйдууллар. Буруйдуулара да орунаах. Сорох-сорохтор 2-3 ыттаахтар, ыттарын киһини ииптэттэр, баайбаттар. Оннооҕор былларыын күһүн Колосовтар диэн ыалларын кыһыл өгнөөх, улахан бульдог ыттары борооскуларыгар түһэн икки буутун тырыта тыһытты. Ону хата, Сивцевтэр бэйэлэрэ сүүрэн тахсан быһаабыттар. Ол үрдүнэн ыт билигин да баайыллыбат эбит. Оннооҕор далага турар сөһүлэрин, уйага турар сибииннэлэрин, кууруссаларын ыттар сиэри ууга-уокка түһэрэллэр. Былырын куоскаларын Ильин диэн ыалларын ыта хаһаайыттары көрөн тур-



КӨЛӨҮННЭРИН ЫТТАР СИЭБИТТЭР

дахтарына олбуордарын иһиттэн тутан ылбыт уонна олбуоругар илдьэн «сиэбит». Ити курдук ыттар сөһүлэрин экирэтэ сылдьаллар, отгон хаһаайыттар билиммэттэр, «харахпытынан көрбөтөхпүт» дииллэр. Буолумуна, оннооҕор телевизорга көстөр биэриилэргэ ыттар киһини өлөрдөхтөрүнэ, хаһаайыннара ыттарын көмүскэһэн айахтара кытаран олорор буолар...

Чугас ыалларыгар тахса сырыттыбыт. Олбуор таһыгар хаһаайын И. көрүстэ. Сүтүктээх киһи: «Бккын тоҕо баайбаккын?» диэбитигэр, «мин куруук баайабын, киһиэхэ эрэ босхолуубун» диэтэ. Ити курдук бэйэ-бэйэлэрин кытта тыл быраахсан аабыстылар. Түмүккэ И. ытын аһыйан «ытым туох эмит буолуо да сэрэн, сууттаһыам», - диэн мордооттоот олбуорун аанын «лип» гына саптан кэбистэ. Оттон бу дынгнээх сүтүктээх киһи ханна тугу гыһыан билиминэ, кыһыйтын-абатын кыт-

та таах туран хаалла. Манньк түбэлтэ түбэспиттэр аһыйа суохтар. Соторутаабыта ыттар сага төрөөбүт ньирэйи сиэбиттэрин туһунан иһилибитэ.

Оҕолор барахсаттар бэйэлэрэ көрөн-истэн улаатыннарбыт кыһылларын олус аһыйыттар. Көмүс көлөһүннэрэ таах сиргэ тохтон, ыт аһылыга буолбута хомолтолоох. Дыялээхтэр иннин-кэннин быһаарсар инниттэн ветеринарнай управлениеттан ыйыппыттар. Аны ветеринарнай управлениеттан страховкалаах эрэ сөһүгэ акт онороллорун туһунан хоруйдаабыттар. Оттон Нам улуунугар баар страховиктарга, сөһүлэрин страховкалааһына, «сөһүгэ страховка оноруллубат» дииллэр үһү. Итинтэн сиэттэрэн Сивцевтэргэ уонна манньк хабааннаах түгэннэргэ түбэспит сөһү иитэр ыалларга олус элбэх боппуруос үөскүүр. Ыттарга хонтуруол күүһүрүүн наада. Бириддиэлэн ыаллар

ыттарын атын, туора дьонго мэхэйдээбэт гына иитиэхтээхтэр. Кистэл буолбатах, ыттарын киһиэхэ босхолуур хаһаайыттар үгүстэр. Дынгинэн, ыт ханньк баҕарар түгэнгэ босхолонор да буоллабына, хаһаайынын кытта быаҕа сылдьыахтаах. Онтон манньк түгэннэргэ сөһү иитэр дьон киһи аһынар. Сарсыардаттан үрүг харахтарын өрө көрбөккө сөһүлэрин кытта бодуустанан бараан, ытыс соттон хаалалара кыһыйлаах. Бу ыаллар барахсаттар сөһү-ас иититинэн кыһыннары, сайыннары дьарыктаммыттары таах халтай хааллаҕа. Аны күһүн идэхэ онгостон кыстыкка бэлэмниэхпит диэбиттэрэ баара... Билигин судаарыстыба үрдүнэн сөһү ахсаанын элбэтии соруу турар. Бириддиэлэн дьон ииттэхтэринэ эрэ бу кыһалҕа быһаарыллар. Оттон ол соруу толоро сатыыр дьоммутугар ыттаран көмүскэл суоҕун курдук суох.

М. ПЕТРОВА

ТУОХ? ХАННА? ХАҺАН?

Киин балыһа
сонуннарыттан

Ааспыт нэдиэлэҕэ диспансеризация программатыгар ологуран куораттан тахсан көһө сылдьар аппаратаһын маммографияҕа 101, ФЛГ-га 60 киһини босхо түһэрдиһэр. Манна 1 Хомуустаах, Хамаҕатта, Нам олохтоохтору хабыллынылар.

Туоһулуур – сыппара!

Ааспыт нэдиэлэ устата:
поликлиникаҕа приемҕа
сырыттылар — 1702 ыары-
нах;
«Суһал көмөҕө» — 140
ыңгыры кирирдэ;
родильнай отделениеҕа
— 6 оҕо (2 уол, 4 кыыс) күн
сирин көрдө;
хирургической отделе-
ниеҕа — 7 (5 былаанаммыт
+ 2 суһал) операция онору-
лунна.

Диспансеризацияны барыта былаанаммыт 1104 киһиттэн 618-һа баран бүтүрдилэр.

Улахан дьонноҕо МСЭК-тын 42 ыарынах толору аастылар.

Бам ыйын 29 күнүттэн Хатырыкка лор, стоматолог, кардиолог, инфекционист бырастар уонна офтальмолог эста-рэтэ олохтоохтору көрүүлэрэ саҕаланна.

М.Е. ТРАПЕЗНИКОВА

Утүө дьыала

ХАРЧЫ САЛГЫЫ ХОМУЛЛАР

Нам сэлээнньэтигэр Культа Дьыбарыаһа тутуллуутугар үп хомуура салгыы бара турар. Муус устар 2 күнүгэр буолбут марафонтан уу харчынан 133500 солк. счекка кирибит буоллабына, ыам ыйын 27 күнүнэн 427681 солк. 74 харчы буолла. Бу кэнник күннэргэ 13 тэрилтэ киллэрбитинэн таҕыста. Ол курдук үөрэх управлениета 32391 солк., З.П. Винокуров аат. ОИО — 39056 солк., Нам спортивной оскуолата — 20694 солк., С. Омоллоон аат. СР ГО уонна Б театр — 50000 солк., «Намгазстрой» — 23000 солк., МКУ «Служба единого заказчика» — 10045.37 солк., П. Сивцев аат. НИЭМ — 25978.78 солк., «Россельхозбанк» — 4500 солк., «Нам улууһа» МТ дьаһалтата — 75516.59 солк., кадастр уонна картография государственной регистрации федеральной службы управления — 4500 солк.

Улахан махталбытын дууһаларынан, ис сүрэхтэриттэн тутуну өйүүр, өйдүүр дьоммутугар тиэрдэбит. Култура Дьыбарыаһа барыбыт ыра санаатын толорон Нам сэлээнньэтин М.К. Аммосов болуоссатыгар тутулан дьэндэйэн тахсыа диэн эрэлбит күнтэн күн улаатар. Дьоммут-сэргэбит түмсүүлээхтэрин өссө да бигэргэтиэхтэрэ, хомулуохтаах 3 мөл. үп хомуллуо диэн бүк эрэллээхпит. Улахан тэрилтэлэр: «Намкоммунтепложерго», доруобуйа харыстабыла, нэһиликтэр дьаһалталара, «Сахатранснефтегаз», Н. Рыкунов аат. библиотечнай ситим, А. Шестаков аат. КК, сэлээнньэбит маҕаһынанна, Намнааҕы педколледж, ис дьыала отдела, предпринимателлэр, нэһиликтэрдээҕи култура тэрилтэлэрэ, «Сахателеком», почта, харчыгытын уга охсоргут наада.

В. РЫКУНОВА

СР Журналистарын союһун 18-с конференцията

Бам ыйын 28 күнүгэр Дьокуускай куорат Бэчээт дыялэтигэр СР Журналистарын 18-с учарата суох конференцията ытылынна. Конференцияҕа 101 делегат талыллыбытыттан 99-һа кэлбит. Манна даҕатан эттэххэ олунньу 28 күнүгэр 17-с конференцияҕа председатели тала сатаабыһыт кыаллыбатаҕа, онон председатели Г.А. Бочкарева эбээһинэһи толорооччунан үлэлээн кэллэ. Бу сырыыга талар соруу туруоруллубута. Конференцияҕа РФ Журналистарын союһун секретара В.В. Балдицын кыттыны ылла. Мунньаҕы СР бэчээт уонна телевидениенэн, радионан биэри департаменын салайааччытын бастакы солбуйааччы Н.А. Молчанов салайан ытты. Мунньахха Нам улуунуттан РФ Журналистарын союһун чилиэннэрэ, ыам ыйын 14 күнүгэр улуска буолбут мунньахха делегатынан талыллыбыт «Энгиэли» хаһыат редактора В.Г. Касьянов, Нам улуунун Журналистарын союһун председатели В.Н. Рыкунова, «Ленский нэһилик» МТ депутаттарын сэбиэтин председатели К.А. Олесов кыттыны ылылар. В.Г. Касьянов счетнай

ПРЕДСЕДАТЕЛЬ ТАПЫЛЫННА



комиссияҕа үлэлээтэ.

СР Журналистарын союһун председатели Г.А. Бочкарева 5 сыл устата ытыллыбыт үлэни отчуоттаата. Отчуоттан иһиттэххэ бу кэм устата үгүс үлэ ытыллыбыт. Үлэ сүрүннээн журналистары түмүүгэ, кинилэргэ ыарахан кэмнэригэр

көмөлөһөргө туһайыллыбыт, араас элбэх тэрээһин буолбут. Бу туһунан отчуот сүһүнүнэн тыл эппит дьон тоһоволоон бэлиэтээтилэр.

Конференция сүрүн боппуруонунан саҕа председатели иккитээн талыы буолла. Председатели дуоһунаһыгар

эмиз ааспыт конференцияҕа курдук икки кандидатура туруорулунна: билигин үлэли олорор Г.А. Бочкарева уонна «Якутия» хаһыат редакцията ААО генеральной директорын 1 солбуйааччы А.И. Ноев. Куоластааһыны кистэлэн оноруохха диэн этии кирибитин журналистар бири санаанан өйөөн, куоластааһын кистэлэн буолла. Устаап быһытынан делегаттар куоластарын үс гыммыт иккитин ылбыт киһи председатели буолуохтаах. Бастаан бу быраабыланан куоластаан көрдүбүт. Онуоха Г.А. Бочкарева 60, А.И. Ноев 38 куолаһы ыланнар үс гыммыт иккитэ кыаллыбата. Быһаарсан баран Устаапка «55 %-ны ылбыт киһи председатели буолар» диэн уларытыы киллэрилиннэ. Онон иккитээн куоластаатыбыт. Түмүккэ Галина Алексеевна 59,72% куолаһы ылан СР Журналистарын союһун председателинэн талылынна.

Ааспыт мунньахха журналистар союзтары бырабылыанньатыгар 17 киһи талыллыбыта. Бырабылыанньаҕа «Энгиэли» хаһыат редактора В.Г. Касьянов киллэриллэбитэ. Маны таһынан РФ Журналистарын союһун сөһиһигэр 11 киһи делегатынан талыллыбыта.

В. РЫКУНОВА

Бэс ыйын 1 күнэ – Оҗо көмүскэлин күнэ

Дьизэ кэргэн – иити кыһата

КЫРАЦААННАР ДЬОНОН СИТИИИЛЭРЭ



1-кы Хомустаах – Нам улуунун биэр улахан нэһилиэгэ. Сыллата улаатан, тупсан-киркэйэн иһэр, дьоно-сэргэтэ элбээн, инники олоҕу түстүүр. Дьон ахсаана элбиэр биэр сүрүн көрдөрүүтэ - оҗо-аймах эбиллэитэ буолар.

Кэнники сылларга оскуолаҕа оҗо ахсаана аҕыйаабытын туһунан үгүс кэпсэти барар этэ, оттон быйыл 1-гы кылааска 20-н быдан тахса оҗо үөрэнэ кириэри детсадка бэлэмнэни группатыгар үөрэнэн бүтэн эрэллэр. Кинилэр - хайы-үйэ улахан дьон – элбэххэ үөрэннилэр: режими таба туһанарга, бэйэни көрүнгө, бэйэ-бэйэни кытта сааан алтыһарга, хоһоон ааҕарга, ырыа ыллыһарга, үгүлүүргө, уруһуйдуурга, конструкторынан, пластилинынан оҥоһуктары оҥорорго, о.д.а. дьарыктарга: ааҕар, суруйар, суоттуур маннайгы түһүмэхтэрин аастылар. Тугу сатаабыттары дьонунук туттан элбэх дьон иннигэр күрэхтэргэ, конкурстарга, концерттарга көмүскүүр буолулар. Ол курдук, бэлэмнэни группатын быйылгы сыллааҕы ситиһиллэр: 1) «Полярная звезда - 2013» улуустааҕы көрүүгэ «Эстрадный вокал» номинацияҕа «Үрүйэчээн» коллектив 1-кы степеннээх лауреат (сал. Колесова М.П.), оттон региональной кон-

курска 3-с степеннээх лауреат; 2) Е.Д. Софронова, Н.А. Николаева салайааччылардаах үгүс коллектива 5-с региональной «Полярная звезда - 2013» конкурска «Эстрадный танец» номинацияҕа 1-кы степеннээх дипломант буолулар. 3) быйыл дьизэ кэргэннэн күрэхтэһиллэргэ үчүгэй ситиһиллэр бааллар: Ульяна Николаевна, Александр Николаевич, Дима Казановтар улуустааҕы «Сонор» оонньууга 3 миэстэ, Евдокия Николаевна, Юрий Александрович Николаевтар «Сонор» оонньуу атрибуттары көрүү конкурсууга 3 миэстэ, иитиллээччи Дима Казанов «Сонорго» 1 миэстэ буолулар; 4) биридчиллэн күрэхтэһиллэргэ: дуобакка соҕуруу КМО-ҕа иитиллээччилэр ортолоругар Ким Охлопков (сал. Баишева Н.М.) 1 миэстэ, оттон республикатааҕы фестивалыга 4 миэстэни ылла. Сертификатынан наҕараадаланна; соҕуруу КМО-ҕа «Умница», «Быстрый ответ», «За графический диктант» диэн номинациялары улуустааҕы математика бырааһынныгар уонна металимпиадаҕа 1 миэстэни Күндэй Табуанова ылла; Е.Д. Софронова, Н.А. Николаева салайааччылаах үгүс группата «Полярная звезда» конкурска 1-кы степеннээх лауреат аатын

чиэстээхтик көмүскээтилэр, «Төрөөбүт төрүт дорҕоон» улуустааҕы фольклор фестивалыгар «Модун Эр Соҕотох» олонхоттон туруоран бэлэмнэни группаларын ортолоругар кыайылыааһынан табыстылар (сал. Григорьева М.С.).

Дьэ, ити курдук оҕолорбут детсад бары үлэһиттэрин үөрэтиллэринэн, төрөппүттэр кыһамныларынан улахан дьон буолан, үөрүү, ситиһи, кыайы аргыстанан аны аҕыйах хонугунан тапталлаах детсадтарын аанын сабан, оскуола боруогун атыллыр кэмнэрин долгуйа күүтүлүүр. Оттон төрөппүттэр детсад бары үлэһиттэригэр барҕа баһаам махтал тылларын этэбит, кэнэҕэски да өттүгэр кырачааннар уҕарыйбатын. Оҕолорбут «Спасибо воспитателям за ласку и тепло. Нам было с вами рядом!» и в мурый день светло!», «Детсадпытын ахтыахпыт, кэлэн, көстөн ааһыахпыт, «4-кэ», «5-кэ» үөрэниэхпит, дьонун дьоннор буолуохпут», - диэн махтанан, бигэ тылларын биэрэн, тапталлаах детсадтарыттан сотору арахаары, эмиэ да долгуйа, эмиэ да үөрэ сылдыллар.

Елена НЕУСТРОЕВА,
педагогической үлэ ветерана,
Нам улуунун, 1-кы Хомустаах нэһилиэгин Ытык кибитэ

ДЬИЭ КЭРТЭН КҮНҮН КӨРСӨ

Бам ыйын 15 күнэ – Дьизэ кэргэн аан дойдутаагы күнүн чэрчитинэн нэһилиэкпитигэр араас мероприятиелар буолан аастылар.

Ол курдук, бам ыйын 13 күнүгэр «Спортивная кылаас» күрэхтэһии буолан ааста. 1-6 кылаастартан ийэ, аҕа уонна икки оҗо хамаанда туруордулар. Бизэс көрүннээх күрэх түмүгүнэн 1 бөлөххө (1-3) 1 миэстэни 2 кылаас (В.Г., А.В. Бандеровтар, уолаттара Антон, Андрей Колесовтар), 2 миэстэни 3 кылаас (Т.В. Захарова, К.А. Попов, Женя Захаров, Рома Слепцов), 3 миэстэни 1 кылаас (Г.И. Попов, Т.А. Колодезникова, Наташа Колодезникова, Алик Попов), 2 бөлөххө (4-6 кылаастарга) 1 миэстэни 4 кылаас (Е.Н., А.А. Протопоповтар, Ариан Мордосов, Вова Павлов), 2 миэстэни 6 кылаас (С.Ю. Охлопков, П.И. Иванова, Лана Нелунова, Эрик Макаров), 3 миэстэни 5 кылаас (Г.П., Р.А. Марковтар, уоллара Алеша, Миша Егоров) хамаандалара ыллылар.

Бам ыйын 21 күнүгэр Е.С. Сивцев – Таллан Бүрэ аатынан орто оскуолаҕа, Дьизэ кэргэн аан дойдутаагы күнүн көрсө, «Бал – дьол уйата» диэн ааттаах тематическай биэчэр буолан ааста. Биэчэр маннайгы чааһыгар дьизэ кэргэттэр бэйэлэрин сөбүлүүр дьарыктарын, дьизэ кэргэн туһунан буклеттарын быыстапка-

лаабыттары билиһиннэрдилэр. Биһиги дьизэ кэргэттэригэр, бары да дэгиттэр, араас интэриһинэй дьарыктаахтарын, талааннаахтарын, фантазиялаахтарын бу быыстапкаҕа көрөн сөхтүбүт. Ол курдук, ким эрэ вышивальщик, ким эрэ иистэнэр, араас значоктары, бабочкалары, былыргы тэриллэри мунньар, у.д.а. дьарыктаахтар эбит.

Дьоро киһэ иккис чааһыгар олохтоох модельнай библиотека кинигэни ааҕыга өй-санаа уостубат наадыйытын үөскэтэр, ааҕы культураны үрдэтэр, дьизэ кэргэннэн ааҕыны көбүлүүр сыллаах «Ааҕар дьизэ-кэргэн» күрэхтэһиитэ. Күрэххэ 4-5 кылаас дьизэ кэргэттэрэ кытыннылар. Барыта 3 түһүмэхтээх күрэххэ дьизэ кэргэттэр дьизэ-тээҕи библиотекаларын, тугу сөбүлээн ааҕалларын кэпсээтилэр, тест толордулар, бэриллэбит тылларынан кэпсээн, хоһоон айан күрэхтэстилэр. Күрэх түмүгүнэн «Ааҕар дьизэ-кэргэн» үрдүк аатын Замияттинар, 2 миэстэни Павловтар, Егоровтар дьизэ кэргэттэрэ ыллылар. Кыайылылаачтарга кинигэ маҕаһыныттан сертификат туттарылына, бары кыттыбыт дьизэ кэргэттэр кыттыбыттары туоһулуур сертификаттарынан бэлиэтэннилэр.

Валентина КОЛЕСОВА,
Бөтүн

АҔЫАХ ТЫЛ МИННЬИГЭС

Бам ыйын 20 күнүгэр Хатын Арыы нэһилиэгэр «Дьизэ кэргэн – олох төрдө», «Тыа сириин дьизэ кэргэнэ» анал ааттаах фотоконкурс ытытылына. Кыттааччылар бириистээх миэстэлэргэ тигистилэр: 1 миэстэни тыа сириин дьизэ кэргэни олохун көрдөрөн Марфа Егоровна, Валерий Васильевич Павловтар, дьизэ кэргэннэн үлэ, сыннылан тематикатыгар түһэрэн Варвара Дмитриевна, Роман Романович Слепцовтар ыллылар, 2 миэстэҕэ айылҕа керэ көстүүтүн сынныланнар түһэрэн Бурашева Нинель Афанасьевна уонна Алексеева Алевтина Афанасьевна, 3 миэстэҕэ «Дьизэ кэргэн – олох төрдө» темаҕа утум салҕанарын көрдөрөр урукку уонна билигин кэм хаартыскаларын туруоран Попова Екатерина Ивановна табыстылар. Сыллата нэһилиэккэ араас хабааннаах, интэриһинэй темалаах манньк күрэхтэр ытытылаллар. Салгы кэрэни-үтөнү объективка түһэрэн киэн аранҕа таһаарааччы элбизэҕэ диэн эрэнэбит.

Н.Д. СИВЦЕВА

Ой дуораана

Мин бам ыйын 22 күнүгэр З.А. Тихонова «Банкет түбүгэ» диэн ыстатыйаны ааҕан бэйэм санаабын хаһыат нөгүө үллэстиэхпин баҕардым.

Мин отутча сыл Нам 1 №-дээх орто оскуолатыгар оҕону иитиигэ үлэлээн кэлбит учууталбын, баһаатайбын. Бэйэм түөрт үлэһит оҕолордоох ийэ, алта сиэннэрдээх эбээ буолабын. Оскуоланы бүтэрэр выпускниктар бүтэһик чуорааннарын, банкеттарын ыһыт, кыттыспыт буоламмын күүтүүлээбин, долгугуулаабын эт хааммынан, сүрэхпинэн билэбин.

Мин оҕолорум оскуоланы бүтэрэллэригэр банкеттарыгар биэр да харчыны ороскуоттабатабын. Оҕолорум банкеттарыгар бэйэлэрэ үлэлээн харчы муньуммуттара. Улахан кыһым оскуоланы 1985 сыллаахха бүтэрэр сылыгар кылаас салайааччыта Яна Егоровна Корякина (Старостина) сааскы каникулга Хатырыкка оҕолорун илдээн дояркалары солбуйтарбыта. Үлэлэбит хамнастарыгар оскуолаҕа техсредство атыылаһан бөлөхтээбиттэрэ. Ордубут харчыларыгар бастакы учууталларыгар сэмэй бөлөх туттарбыттара, астарыгар барбыта. Уолум сайын аайы хамнастаммытын муньун испитим. Орто кыһым бүтэрэригэр оскуолаҕа техсредствоттиийбэтинэн, кылаһынан оскуола муостатын сууйаллара. Хамнастарын муньун банкеттарын оһон ыһыттылар. Мин ороскуотум: выпускнойга кэтэр ырбаахыла-

БАНКЕТ – ТӨРӨППҮТТЭР ИККИ АРДЫЛАРЫГАР КУОТАЛАҔЫ

рын тикпитим.

Оттон билигин тугуй?

Төрөппүттэр бэйэ-бэйэлэрин икки ардыларыгар куоталаһар курдуктар. Ким төһө сыаналаах былааччыны ылан кыһым киэргэтэрин, кылаас салайааччытыгар хайа кылаас төһө сыаналаах бэлэҕи оҥорон тула кэпсэти буолар. Бэл онооҕор оҕото төрдүс кылааһы бүтэрэригэр улахан ороскуоттаах банкет оҥороллоро кистэл буолбатах. Ол түмүгэр кыаммат, элбэх оҕолоох, соротох үлэһиттээх ыал ити ороскуоту уйуммата биллэн турар. Соробор, кистэл буолбатах, бүтэһик выпускнойга кэлбэттэр, кыттыбаттар.

Сэбиэскэй былаас сылыгар үлэлээбит учууталлар төрөппүттэн сыаналаах «бэрик» ылбатах дьоммут. Биһиги баҕабыт - оскуоланы бүтэрбит оҕолорбут анал орто, үрдүк үөрэҕи бүтэрэн, үчүгэй, убаастанар, идэлэрин сөбүлээн, ону баһылаан, үлэһит буолан тахсалларыгар.

Хайа кылаас выпуһа бэйэтин кылаас салайааччытыгар тугу бэлэтиирин, оскуолаҕа төһө суумаҕа техсредство атыылаһарын, астарыгар төһөнү ороскуоттуулларын, банкет кэнниттэн оҕолоро ханна күүлэйдээн дуу, Ленанан уста дуу баралларын туһунан ол тула хас да чаастаах кэпсэти барар. Төрөппүттэн төһө суу-



маны көрдүүлэригэр мөккүөр буолар. Уон биэр сыл устага төрөппүт оскуолаҕа, кылааска, өрөмүнгө диэн ааттаан, дыхтар күнүгэр, учуутал күнүгэр подарок оҥорорго төһөлөөх суумаҕа ороскуоттарынан ааҕан сиппэкиин. Өскө оҕон спортка, үөрэххэ ситиһиллээх, республиканскай олимпиадаларга, куоталаһыларга кытар буолаһына, барар-кэлэр, аһыыр ороскуотун төрөппүт уйунар.

Баҕар бу ыстатыйаны ааҕан баран оскуола администрацията, учууталлар мин этибин сөбүлээбэттэрэ буолуо. «Итини

барытын төрөппүт комитетта, туһаннаах комиссия быһаарар», - диэн этиэхтэрэ. Буоллун. Ол гынан баран, кылаас салайааччыта да, төрөппүт комитетта да өттүттэн туттунуу, салайыы, быһаарыы, сүбэлээһин диэн баар буолуохтаах. Төрөппүт оҕото үөрэххэ кириэтинэ бу оҗо айан-нырыгар, бастакы бириэмэҕэ үөрэнэр, олоҕор сиргэр төһөнү ороскуоттууругар, таһаһа-саба төһө буоларын оҕотун кытта олорон кэпсэтэн, сүбэлэһэн, ааҕан-суоттаан көрөрө наада.

Төрөппүт санаатыгар оҕотун выпускнойга биридэ эрэ буолар

диер. Оттон мин ааҕыбынан: оскуоланы бүтэрэр, специалист буолан тахсар выпуһа, үлэһит буолан кэргэннэнэр, оҕолонор, сиэннэнэр.

Онон мин сүбэм: 1) оҗо оскуоланы бүтэрэр выпуһугар 2-3 сыл инниттэн бэлэмнээн, оҗо үлэ булан харчы аахсарыгар көмөлөүөххэ. «Үлэ суох, хантан булабыт», - диэххэ. Көрдөөтөххө, толкуйдаатахха үлэ көстөр. Дьизэ өрөмүнгүгэр, дьизэ ис-тас үлэтигэр, кырааскалааһыныгар бэйэ кыра да буоллар хамнастыһа наада дии саныбын; 2) выпускной кылаастар кыттыһан оскуолаҕа биэр техсредствонну дуу, харчынан дуу биэриэххэ; 3) учууталга махтанан сыаналаах бэлэҕи оҥоруман. Эһиги ис сүрэхтэн этэр махтал тылгыт кинилэргэ ордук тиийимтиэ; 4) кыыс оҗоҕо наһаа сыаналаах ырбаахы дуу, көстүүм дуу ылбыккыт, бу таһаһын өссө ханна, хаһан кэтиэн сөптөөбүн сүбэлэһин, санаабытын үллэстин; 5) оскуоланы бүтэрбит сылларга өйдөрүгэр-санааларыгар ингэн, оҕолоругар, сиэннэригэр киэн туттан кэпсириллэрин курдук оҥорун. Оҕолоргут выпускнойдара хайдах барарын кинилэри кытта сүбэлэһин, былааннаан. Ити оҗоҕут бүтэрэр выпуһа, төрөппүт киэнэ буолбатах, төрөппүт эрэ былааннаабатын. Мин ыстатыйабын ааҕан хас биридди төрөппүт, үөрэнээчи, учуутал толкуйдуохтара, сүбэбин ылыныахтара диэн эрэнэбин.

К.Я. СИВЦЕВА,
педагогической үлэ ветерана,
ыччат политикатын туйгуна

